

Landesbibliothek Oldenburg

Digitalisierung von Drucken

**Sebastiani Castellionis Sacrorvm Dialogorum Libri
Qvatvor, Qvos Postremo Ipse Recognovit: Argvmenta
Singvlis Dialogis Praeposvit, Et Sententias Svbiecit ...**

Châteillon, Sébastien

Francofurti, 1761

VD18 12886300

Discalceatvs.

urn:nbn:de:gbv:45:1-18303

tum ex iisdem vasis, quibus ipsi hauriunt. *R.* Quidnam est in me, quamobrem digneris ita respicere me, cum sim peregrina? *B.* Perlatum est ad me, qualem tu te præstiteris erga tuam forum post obitum viri tui; utque relicto utroque parente, terraque patria, contuleris te ad populum tibi antea ignotum. Quod factum Jova Deus Israelitarum rependet tibi cumulatissimo præmio, sub cuius quasi alarum præsidium tu te receperis. *R.* Agnosco tuam gratuitam benignitatem & misericordiam, qui tam comiter confirmes animum meum consolando: cum tamen indigna sim, quæ vel in ancillarum tuarum numerum veniam.

SENTENTIA.

Pii favent piis, eisque benefaciunt.

DISCALCEATVS. Ruth. 4.

ARGUMENTVM.

Boozus, recusante altero propinquo, emit bona Noemis, Ruthamque ducit uxorem.

Boozus, Propinquus Ruthæ, Senatores.

Heus tu, qui hac transis, adesdum, paucis te volo. *P.* Quid nam id est? *B.* Confiste hic paulisper, dum evoco aliquot de senatoribus civitatis, ^{a)} qui transeunt per hanc portam, ut adsint nobis in hoc negotio: nam seria res est egetque testibus. Heus vos senatores, quæso vos, ut accommodetis huc nobis aliquantisper vestram

ope-

^{a)} In portis urbium erant curiæ.

operam: non faciemus longius. *S. Adsumus,*
 dic quid velis. *P.* Partem fundi qui fuit cognati
 nostri Elimelechi, venundat Noemas, reversa ex
 agro Moabitarum. Hanc rem visum est mihi, ut
 tibi significarem, ut si empturus es, emas in præ-
 sentia senatus nostri: sin minus, indices mihi.
 Nemo est enim cognatus propinquior te, secun-
 dum quem ego sum. *P.* Ego vero emam. *B.*
 Sed cum fundum emas a Noemi, & a Rutha
 Moabitide, uxore demortui; emas ea conditio-
 ne, ut ipsam Rutham ducas in matrimonium,
 ut ^{b)} suscites nomen illius in ejus hæreditate.
P. Non licet mihi hac lege emere, ne corrumpam
 patrimonium meum. Emę tu, si vis, meo loco:
 mihi quidem emere non licet. Atque in hujus
 rei testimonium accipe calceum meum de manu
 mea. Ego, quemadmodum exui me hoc calceo,
 ita testor, me cedere tibi meum jus in hac re.
B. Vos senes & populares, hodie mihi testes eri-
 tis, ut ego emam omnia bona Elimelechi; &
 Chilionis, & Machlonis, a Noemi: utque mihi
 vindicem in matrimonium Rutham Moabitidem
 conjugem Machlonis, ut consulam nomini de-
 mortui in ejus hæreditate, & ejus consanguinitate
 & patria. Vos hodie testes nuncupo. *S.* Testa-
 bimur. Faxit Jova, ut mulier ista, intratura tuam
 domum, tam sit fecunda, quam fuerunt Rahel, &
 Lea, quæ duæ prole instruxerunt domum Israeli-
 tarum:

E 4

b) Prolem ex Rutha suspicias, (quæ demortui dicatur,
 secundum legem.

tarum: utque egregium quid facias in c) Ephra-
ta, & tibi nominis famam compares Bethlehema,
fiatque domus tua fimilis domui Pharis, quem
Judas sustulit ex Thamare, progenie tibi a Jova
data ex puella,

SENTENTIA.

*Qui vult defuncti possessionem, habeat viduam.
Qui vult, quod placet, habeat & quod displicet.*

SAMSON. Judicum 15.

ARGVMENTVM.

Samson vincus ad Palæstinos deductus,
abruptis vinculis occidit maxilla asini mille
viros.

Judæi, Samson, Palæstini.

An nescis Palæstinos habere imperium in nos
S. Scio. J. a) Cur ergo incendisti sege-
tes eorum, magno nostro malo? S. Par pari re-
tuli. J. Atqui huc venimus, ut te vincum deda-
mus eis: S. Si quidem jurejurando confirmatis,
vos non illaturos mihi manus violentas, vinciat
licet. J. Fidem damus. S. Agite, colligate,
ducite, adducite, quantum potestis. P. Euge,
adducitur ille hostis noster capitalis, qui immisit
sceleratas faces in segetes nostras, nunc, nunc
ulciscemur. Nunquam hodie effugies Samson,
hic tibi finis adest vitæ. S. Agite vero, si quid
animi habetis, aggredimini vincum? experiar
tamen,

c) Id est, Bethlehema, ut mox declarat.

a) Dominos irritare detrimentosum.